

IV.

Izvještaj o izvršenju Budžeta Općine Novo Sarajevo za period 01.01.- 31.12.2008. godine, objavit će se u "Službenim novinama Kantona Sarajevo".

Broj 01-14-1952/09
22. juna 2009. godine
Sarajevo

Predsjedavajući
Općinskog vijeća
Novo Sarajevo
Nebojša Simić, s. r.

Općinski načelnik

Na osnovu člana 46. Zakona o prostornom uređenju Kantona Sarajevo ("Službene novine Kantona Sarajevo", broj 7/05) i člana 42. Statuta Općine Novo Sarajevo ("Službene novine Kantona Sarajevo", broj 12/06 - Prečišćeni tekst), načelnik Općine Novo Sarajevo, 16. decembra 2008. godine, verifikovao je

ODLUKU

O KOREKCIJI IZMJENA I DOPUNA REGULACIONOG PLANA PROSTORNE CJELINE "KOVAČIĆI"

Član 1.

Usvaja se korekcija Izmjena i dopuna Regulacionog plana prostorne cjeline "KOVAČIĆI" (u daljnjem tekstu: korekcija Plana), "Službene novine grada Sarajeva", br. 25/1986.

Član 2.

Korekcijom Plana se daje mogućnost izgradnje stambenog kolektivnog objekta na mjestu porušena tri stambena objekta uz ulicu Ljubljanska na parcelama označenim kao k.č. br. 156/1, 156/2, 157/1, 160/1, 160/2, 162/1, 162/2, K.O. Novo Sarajevo II.

Korekcijom plana se mijenjaju horizontalni i vertikalni gabariti porušenih stambenih objekata kako bi se izgradio veći kolektivni stambeni objekat u okviru utvrđene građevinske linije.

Spratnost objekta je od -3+P+4 do - 3+P+6 (tri suterenske etaže, prizemlje, do šest nadzemnih etaža). Horizontalni gabariti objekta su cca 44.60 (48.00) x 19. 50 (21.00) m prilagođeni veličini i položaju parcele sa saobraćajnim pristupom iz ulice Ljubljanska na jugoistočnoj strani parcele.

Izgradnja objekata mora biti striktno izvedena prema dostavljenoj projektnoj dokumentaciji izrađenoj od strane projektne firme i geološkom nalazu rađenom za potrebe izgradnje a prema grafičkim prilogima Korekcije Plana.

U okviru građevinske parcele primjenjuje se normativ za saobraćaj u mirovanju - jedno parkirno mjesto (gar. mjesto) na jednu stambenu jedinicu.

Izvršene korekcije primjenjuju se ina ostalim fazama Plana.

Član 3.

Korekcija Plana sastoji se iz tekstualnog dijela i grafičkih priloga (Izvod iz Izmjena i dopuna Regulacionog plana prostorne cjeline "Kovačići" i situaciono rješenje u mjeru 1:500); - Tekstualni dio i grafički prilog korekcije Plana su sastavni dio Izmjena i dopuna Regulacionog plana prostorne cjeline "Kovačići" ("Službene novine Grada Sarajeva", broj 25/86).

Član 4.

Po jedan primjerak ovjerene korekcije Plana (tekstualni dio i grafički prilozi) nalazi se na stalnom javnom uvidu i čuvaju se u Službi dokumentacije Općine Novo Sarajevo, Zavoda za planiranje razvoja Kantona Sarajevo i Gradskoj upravi Grada Sarajeva.

Član 5.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02-23-1463/07
16. decembra 2008. godine
Sarajevo

Općinski načelnik
Nedžad Koldžo, s. r.

KOREKCIJA
IZMJENA I DOPUNA REGULACIONOG PLANA
PROSTORNE CJELINE "KOVAČIĆI" M.1:1000

- GRANICA KOREKCIJE PLANA/GRANICA PARCELE/
 GRAĐEVINSKA LINIJA PODZEMNOG DIJELA OBJEKTA

